



**SURAT EDARAN PENTADBIRAN
BILANGAN 14 TAHUN 2015**

**PERINGATAN MENINGKATKAN TAHAP
KESELAMATAN BAGI MENANGANI ANCAMAN
KEGIATAN KUMPULAN MILITAN NEGARA ISLAM (IS)
DI KEMENTERIAN/JABATAN/AGENSI KERAJAAN
PERINGKAT PERSEKUTUAN DAN NEGERI**

Pejabat Pendaftar

11 Mei 2015

Disalinkan kepada:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

YDP Majlis Perwakilan Pelajar

SURAT EDARAN PENTADBIRAN BIL. 14/2015

PERINGATAN MENINGKATKAN TAHAP KESELAMATAN BAGI MENANGANI ANCAMAN KEGIATAN KUMPULAN MILITAN NEGARA ISLAM (IS) DI KEMENTERIAN/JABATAN/AGENSI KERAJAAN PERINGKAT PERSEKUTUAN DAN NEGERI

Surat Edaran Pentadbiran ini bertujuan untuk memaklumkan kepada pengetahuan semua staf dan pelajar Universiti Teknikal Malaysia Melaka (UTeM) mengenai Peringatan Meningkatkan Tahap Keselamatan Bagi Menangani Ancaman Kegiatan Kumpulan Militan Negara Islam (IS) Di Kementerian/Jabatan/Agensi Kerajaan Peringkat Persekutuan Dan Negeri.

2.0 Ketua Pengarah Keselamatan Kerajaan melalui Surat Pekeliling bernombor rujukan KPKK(R)100-1/5/4(18) bertarikh 17 April 2015 memaklumkan berkenaan peringatan meningkatkan tahap keselamatan bagi menangani ancaman kegiatan Kumpulan Militan Negara Islam (IS) di Kementerian/Jabatan/Agensi Kerajaan peringkat Persekutuan dan Negeri.

3.0 Adalah dimaklumkan bahawa umum telah mengetahui Kumpulan Militan Negara Islam (IS) merupakan satu kumpulan yang menjalankan aktiviti *terrorist*, menaja keganasan dan mengancam keselamatan serta ketenteraman awam. Ideologi IS telah berjaya memujuk beberapa rakyat Malaysia termasuk penjawat awam untuk menyertai kumpulan tersebut. Lebih membimbangkan adalah gerakan IS ini dikatakan merancang menculik orang kenamaan dan menyerang tempat-tempat strategik di ibu negara termasuklah Pusat Pentadbiran Kerajaan di Putrajaya. Modus operandi mereka adalah dengan menyerang kem-kem tentera dan balai-balai polis untuk mendapatkan senjata api.

4.0 Gerakan ala IS ini dapat dibendung dan dibanteras di peringkat awal dengan bantuan dan sokongan daripada seluruh warga Universiti iaitu dengan tindakan-tindakan khas pencegahan bagi menangani sebarang aktiviti gerakan ini seperti berikut:

- 4.1 Menentukan kemasukan orang perseorangan mahupun berkumpulan di Jabatan-Jabatan Kerajaan termasuk tempat-tempat strategik hendaklah mengikut peraturan keselamatan fizikal yang ditetapkan;

- 4.2 Menentukan had-had kemasukan orang ramai semasa penganjuran sebarang aktiviti rasmi dalam agensi kerajaan dikuatkuasakan sepenuhnya;
- 4.3 Melaksanakan *random check* terhadap kemasukan mana-mana orang dan kenderaan ke dalam premis-premis kerajaan; dan
- 4.4 Memastikan anggota keselamatan diberi latihan secukupnya berhubung dengan prosedur pemeriksaan kemasukan mana-mana orang dan kenderaan mengikut *Standard Operating Procedure* (SOP).

5.0 Sehubungan dengan itu, seluruh warga Universiti adalah dipohon untuk mengambil maklum berkenaan perkara ini dan sentiasa mematuhi arahan-arahan dan peraturan-peraturan keselamatan yang ada.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/nhab

